

Scorzonera bupleuroides Don in DC. VII. p. 125 in *Nepalia* a Wallich lecta mihi ignota est et a T. Thoms. in ms. sub silentio prætermissa est. Vix *Scorzonera*.

(2.) *Scorzonera Roylei* DC. VII. p. 125.

Caulis e basi ramosi erecti glabri; ramis apice nudis monocephalis. Folia lanceolato-linearibus basi dilatata subvaginantia margine villosa apice callosa glabra. Phyllaria 5. Pappi setæ basi plumosæ apice nudæ. Achænia glabra.

Hab. In India orientali legit cl. Royle.

Species mihi ignota: character mere ex DC. exscriptus.

EPILASIA Bunge (Bth. Gen. 763.)

(1.) *Epilasia Bungei* Bth. i. e. *Epilasia hemilasia*, *intermedia*, *acrolasia*, *cenopleura* et *ammophila* in Walp. Ann. V. p. 321.

Hab. In Hazara et Peshawur provinciæ Punjab leg. Dr. Stewart ad 1,500 ped. alt.

Distributio. In Asia media et occidentali.

Ex cl. Bth. (Gen. Plant. p. 532) *Epilasiæ* unica videtur esse species.

Exempla a Stewart lecta quoad folia et phyllaria exteriora valde variabilia sunt. Achænia quadrato-oblonga glabra multistriata basi in appendicem cavam circa stipitem brevem producta, apice sub pappo leviter constricta. Pappus subterminalis fulvo-brunneus, setæ numerosæ lanato-plumosæ; e setis interioribus paucæ apice nudæ albæ.